



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Goražde

Izvještaj o održanom trećem mentorskem sastanku u okviru javnog poziva za predaju projektnih prijedloga komponente za mlade u sklopu projekta Regionalni program lokalne demokratije na Zapadnom Balkanu (ReLOaD2) u Gradu Goraždu

U okviru Javnog poziva za organizacije civilnog društva/nevladine organizacije za predaju prijedloga projekata komponente za mlade, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Gradom Goražde, u petak, 7. aprila, 2023. godine u terminu od 11.00 do 13.00 sati održan je treći i ujedno posljednji mentorski sastanak za zainteresovane predstavnike/ice organizacija civilnog društva (OCD). Prva dva mentorska sastanka održana su u prostorijama Gradske uprave Goražde i bili su prilika da predstavnici/e OCD-a sa mentorom javno prodiskutuju o nedoumicama i dilemama u okviru pripreme projektnih prijedloga komponente za mlade.

Termini mentorskih sastanaka definisani su u samom **Javnom pozivu za predaju projektnih prijedloga komponente za mlade u sklopu projekta Regionalni program lokalne demokratije na Zapadnom Balkanu 2 (ReLOaD2) u Gradu Goraždu**, na zvaničnoj internet stranici Grada Goražda, te Razvojnog programa Ujedinjenih nacija (www.undp.org).

Trećem mentorskom sastanku prisustvovalo je ukupno 11 predstavnika/ca organizacija civilnog društva (od čega pet muškaraca i šest žena), jedna predstavnica Gradske uprave Goražde i UN volonterka.

Na početku mentorskog sastanka, učesnicima je ponovo pojašnjena uloga mentora i svrha održavanja mentorskih sastanaka. Tom prilikom je naglašeno kako je uloga mentora **da pomogne u otklanjanju dilema i nedoumica koje predstavnici OCD mogu imati tokom pripreme projektnih prijedloga, ali da uloga mentora nije da na bilo koji način učestvuje u izradi samih projektnih prijedloga**. Istaknuto je također da u cilju osiguranja i primjene transparentnog pristupa realizacija mentorstva, konsultacije „jedan na jedan“ sa predstavnicima OCD nisu dozvoljene. Nakon uvodnog predstavljanja svrhe mentorskih sastanaka i planiranog načina rada mentor je dao mogućnost prisutnima na sastanku da iznesu svoje dileme i postave pitanja.

Tokom trećeg mentorskog sastanka predstvincima/ama OCD je skrenuta pažnja kako je javni poziv namijenjen isključivo mladima od 15 do 30 godina starosti. Mentor je naglasio da način i metode animiranja i masovnog uključivanja mladih u projektne aktivnosti trebaju biti detaljno pojašnjene, a broj korisnika projekta (ciljna grupa) naveden što je preciznije moguće. Istaknuto je kako projektni prijedlog ne može samo uključivati aktivnosti nabavke opreme i organizovanja edukacija, nego moraju osigurati uključivanje mladih osoba u sve predložene projektne aktivnosti i obezbijediti volonterski angažman mladih u lokalnoj zajednici.

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



Predstavnici/e OCD su imali nedoumice u vezi s definisanjem projektnih aktivnosti, kao i samog budžeta.

Mentor je naglasio kako predložene aktivnosti u okviru projektnog prijedloga trebaju imati kontinuitet. Dodatni bodovi će biti dodijeljeni projektnim prijedlozima koji nude veći broj sadržaja za mlade, koji se organizuju više puta tokom trajanja projekta ili nude sadržaje iz više tematskih oblasti.

Također je naglasio kako svaka aktivnost mora imati vezu u budžetu, u suprotnom aplikanti će snositi troškove svih aktivnosti koje ne budu budžetirane. Mentor je podsjetio kako nabavka opreme ne smije prelaziti 30% ukupne vrijednosti budžeta, te da administrativni troškovi koji se odnose na plate osoblja koje će upravljati projektom, nabavka kancelarijskog materijala, troškovi prevoza, kao i režijski troškovi također ne smiju prelaziti iznos od 30% u odnosu na ukupnu vrijednost budžeta.

Predstavnicima je ponovo skrenuta pažnja na rok za predaju projekta, kao i dokumentaciju koju moraju dostaviti prilikom predaje projektnog prijedloga. Rok za predaju projekta je 13. april, 2023. godine do 15 sati. Svaka aplikacija treba da sadrži obaveznu i dodatnu dokumentaciju.

Obavezna dokumentacija se dostavlja u elektronskom formatu (USB stik) i treba da sadrži:

- Projektni prijedlog (word format Aneks 1),
- Pregled budžeta/proračuna (excel format - Aneks 2)
- Matrica logičkog okvira (word format - Aneks 3)
- Plan aktivnosti i promocije (word format - Aneks 4)
- ovjerena kopija važećeg Izvoda iz Registra udruženja/fondacija kod nadležnih ministarstva u Federaciji Bosne i Hercegovine (FBiH), odnosno ovjerena kopija važećeg Izvoda iz sudskega registra dobijena od nadležnog ministarstva/suda u Republici Srpskoj (RS) - za nosioca projekta (aplikanta) i eventualne partnere na projektu

Dodatna dokumentacija se dostavlja na istom elektronskom mediju (USB) u označenom folderu pod nazivom „Dodatna dokumentacija“ i treba da sadrži:

- popunjena, potpisana, ovjerena i skenirana forma Administrativni podaci o aplikantu (word format - Aneks 5),
- popunjena, potpisana, ovjerena i skenirana Finansijska identifikaciona forma (word format - Aneks 6),
- popunjena, potpisana i skenirana Izjava o podobnosti (word format - Aneks 7),
- popunjena, potpisana, ovjerena i skenirana Izjava o dvostrukom finansiranju (Aneks 8)
- popunjena, potpisana, ovjerena i skenirana Izjava o partnerstvu (definisana od strane aplikanta ili na temelju unaprijed definisanog formata u Aneksu 9)
- popunjena Lista za provjeru (word format - Aneks 10),
- skeniran Statut organizacije (aplikant i partneri)
- skeniran godišnji narativni izvještaj organizacije za 2022. godinu,
- kopija završnog godišnjeg finansijskog izvještaja za 2021. godinu (dokument bilans stanja i bilans uspjeha).

Mentor je napomenuo da aplikanti moraju koristiti dokumente koji su dati u Javnom pozivu, te da je korištenje drugih formata uslov za diskvalifikaciju.

Na kraju sastanka mentor se zahvalio prisutnim predstavnicima/ama OCD na učešću na mentorskim sastancima.



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



U svrhu transparentnosti, svi zapisnici, uključujući i ovaj, sa održanih sastanaka sa mentorom će biti objavljeni na stranici Grada Goražda. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.